

增訂治疔彙要

附
癰疽雜藥醫
症性案

冊上

金

匱

鍋

氏

增

訃

紹

介

漢

興

三

齋

後附醫案

婺源余家鼎署



敘

余自乙未冬卜居錫山與過君玉書
遇談論甚浹洽遂相與訂交朝夕過
訪語及醫理甚通暢余因知玉書於
岐黃之術頗能講究也今年春出其
所著治疔書囑余為序余觀其辨證
用藥之法條理不紊皆平日所歷驗者

而刺法一門尤能考究得陳實功論
疔瘡禁灸不禁鍼畏綿不畏鐵之
意余又深知玉書明於醫理而於治
疔之法具有心得也靈樞有云膏粱
之變足生大疔主火毒臟腑厥熱毒
因血聚而成證勢最險發於何部是
名何疔治以何法玉書盡聞而盡知之

又何俟余贅乎夫醫本乎儒由儒而求
醫則見理必明玉書文雅士也可謂儒
而醫者矣雖然玉書於流注陰證近
擬撰經驗治法成外科一得錄則所學
益博所求益精是刻特其著作之發
軔雖善未足為玉書多也余居玉書一
日之長治醫之歲又多於玉書每遇奇

證察脈立方及刀圭藥餌之所投未嘗
以為戲雖於斯道中眼法手法鍼法三
者稍有閱歷余敢自比於三折肱者乎
庚辰歲

慈禧皇太后聖體違和奉

詔入都診視獲效倖邀

上獎乞假歸來而求治者愈眾殊自愧也近

益老懶每欲取平日所歷之證經驗之
方採錄成帙輒以憚於思索置之今覩
玉書之作則服其用心為極勤也玉書
行將銷假赴浙宏才大略得藉手以展
其所懷濟世救人之心推而愈遠區區
捐貲卻餽不吝丹藥以療人疾豈足
見玉書之運量哉不揣淺陋勉綴數

言小寓期望之意云

光緒二十二年歲次丙申冬十月孟河
退叟馬文植培之甫敘於錫山山南之
怡雲室

余幼習內科長遭兵燹避難江北懸壺泰州者數年
亂平歸里右食指患疔聞近城某醫以治疔著名比
往求治堅索重酬如數應之乃與敷藥而痛益甚數
日而潰痛如初閱五月疔腳翹然附骨不可拔至八
閱月始收功而一指廢矣越數年中指復患疔求之
醫皆如前說腫痛亦如故因思是指之重廢也乃徧
究秘方故籍雖草澤鈴醫之說亦錄焉自治而效同
人之患疔者延余治之亦無勿效於是專治外科意
謂外科門類甚多兼治爲難不從內科入手則不諳

脈息不知來經辨證用藥何能盡合若以內科而妄治外證則於鍼灸剮刺諸法亦屬隔膜徐靈胎爲當代名醫其所批外科諸方半由意會試之未必皆然徐氏如是世之精通內外科者能有幾人不過藉以欺世而餬口耳余治外科數十年而於疔尤專所治無慮千百人幸未一失因念疔證最險治之者向無專書卽宋人急救仙方亦多略而未備爰取平日經驗諸方用聚珍法都爲兩冊名曰疔疔彙要而於辨證用藥外敷內治諸法不憚再三申論以竟厥緒務

使直捷明快而後已工既竣同人及門來索是書者
日不暇給遠近購致不久罄盡因卽原書大爲修潤
重付手民非敢問世惟願世之與余同病者少受庸
醫妄治之痛苦則余之心也至外證經驗諸方復別
輯之釐爲三卷名曰外科一得錄以限於資力剗剗
之役尙竢異日時

光緒二十四年歲次戊戌仲秋之月梁溪過鑄玉書
自敘於西泠客邸時年六十

例言

一治疔向無專刻惟宋人救急仙方中命名最多
載入永樂大典然不過十餘種而止醫宗金鑑亦祇二
十餘種若慈溪應氏所藏刺疔捷法其名較多
有偏正對口
疔背疔之目
奈詳於辨證而畧於用藥且有僅
列其名而並無治法者余攷求方書旁徵典籍
下至草澤鈴醫舉凡治疗有效者咸取資焉博
觀約取役志勞神數嬪暑寒廼克成此閱者鑒
諸

地言治法卷之三
一 是書初用聚珍板排印數百部名曰治疔彙要
因手民遠隔郵校未便絀漏錯簡在所難免茲
承同志寅好醵資刊印因復重加增改一律訂
正並加增訂二字以資識別

一 凡治疔要藥有能兼治他證者取其經驗諸品
附載於後如細辛之治肺癰草河車之治癰疽
雖不能一一詳載然觸類引伸未始非臨證之
一助也

一 心經疔羊毛疔火疔諸證實痧類然旣名爲疔

且名醫類案中羊毛疔亦列入疔部故併載於此治痧之方附後閱者毋忽

一平日所治外證經驗各方業已部居別白另訂若干卷名曰外科一得錄限於資力未付剞劂茲先撮其要者附各疔下如喉證之於喉疔對口癰疽之於對口疔之類是也

一鈴醫內治有九頂十三串七十二截諸法外治有拔拿諸法拔者拔去骨髓之毒拿者拈拿而去之之謂也施於疔疽初起最效最速詳鼻疔及對口

門疔惟此事全在手法方易見功近二十年中鈴
醫詢以此等名目罕有知者第以偽藥欺人邀
遊攫食而已是集間有采取必其歷試有驗者
此外概不闌入

一近來醫家動稱秘方視爲利藪是集一切方藥
惟恐語焉不詳原期公之同好一洗矜奇陋習
如欲廣爲傳送儘可借板刷印幸勿輕易翻刻
致多舛譌並望博雅君子匡其不逮幸甚幸甚

增訂治疔彙要總目

卷上

總論 一則

治法辨說 九則

疔證 八十六種
附方

痘疔治法看法 二則

痘疔 九種
又方五

補遺疔證 五種

卷中

治疔要藥 七十六種

卷下

治法 三則

方劑 七十六方